



ATA OFISIAL DI KUMITÉ SKULAR DI BOSTON FORSA TAREFA DI ADMISONS NA SKOLAS DI IZAMI

23 di Marsu di 2021

Forsa Tarefa di Admisons na Skolas di Izami di Kumité Skular di Boston rializa un riunion rimotu dia 23 di Marsu di 2021, 17:00 na Zoom. Pa más infurmasons sobri kualker un di itens listadu li baxu, vizita <https://www.bostonpublicschools.org/esataskforce>, email feedback@bostonpublicschools.org o tilifona pa pa Gabinete di Kumité Skular di Boston pa (617) 635-9014.

PRIZENSA

Menbrus di Forsa Tarefa di Admisons na Skolas di Izami Prizenti: Ko-Prizidenti Michael Contompasis; Ko-Prizidenti Tanisha Sullivan; Samuel Acevedo; Acacia Aguirre; Matt Cregor; Tanya Freeman-Wisdom; Katherine Grassa; Zena Lum; Zoe Nagasawa; Rachel Skerritt; y Rosann Tung.

Menbrus di Forsa Tarefa di Admisons na Skolas di Izami Auzenti: Tamara Waite.

Pesual di BPS Prizenti: Monica Roberts, Xefi di Gabinete di Prumuson di Studanti, Familia y Kumunidade; y Monica Hogan, Diretora Izikutiva Sénior di Gabinete di Dadus y Prestason di Kontas.

DUKUMENTUS APRIZENTADU

[Ajenda](#)

[Atas si Seson di Audison: sabadu, 13 di Marsu di 2021](#)

[Ata di Riunion: tersa-fera, 16 di Marsu di 2021](#)

[Aprizentason: Uzu di kritérius Sosio-ikunómiku/di Nivel na Otus Admisons di Distritu](#)

[Aprizentason: Rikapitulason di Rikumendason di Admisons](#)

XAMADA A ORDEN

Sr^a. Parvex fazi xamada. Sr^a. Waite staba auzenti. Tudu kes otu menbru staba prizenti.

Sr. Contompasis da inisiu a riunion. É anunsia ma staba dispunivel servisu di interpretason simultaniu na Spanhol, Kriolu Aitianu, Kabuverdianu, Vietnamita, Kantunés, Mandarin, Purtugés, Somali, Árabi, y Lingua Jestual Amerikanu (ASL); interpretis aprizenta y es da instrusons na sis lingua nativu sobri manera di asesá interpretason simultaniu através di mudansa di kanal di Zoom.

APRUVASON DI ATA DI RIUNION: 13 DI MARSU Y 16 DI MARSU DI 2021

Apruvadu– Forsa Tarefa aprova pa unanimidadi ata di riunion di 13 di Marsu di 2021
Seson di audison di Forsa Tarefa pa Admisons na Skolas di Izami y riunion di Forsa Tarefa pa Admisons na Skolas di Izami di 16 di Marsu di 2021.

APRIZENTASON:

Sr^a. Sullivan da boas vindas a menbrus y publiku y é aprizenta Sr^a. Robert y Sr^a. Hogan ki sta bai riveba pulitika tenpuráriu di skola di izamis en vigor pa SY 2021-2022 y tanbe aprizenta un vizon jeral di pulitikas di admison skular siletivu na otus distritu.

Sr^a. Roberts splika ma SY 2021-2022 era un pulitika di apenas un anu ki ta bai voltaba a pulitika anterior dipos des anu letivu. É fla ma funson di Forsa Tarefa é di fazi rikumendason pa pulitika di longu prazu.

É diskrevi modi ki BPS kria grupu di kandidatus ilejivel y prusesu di konviti pa un skola di izamis. É da un vizon jeral di ki 20% di lugaris pa kada skola di izami é rizervadu pa midjoris alunu ku bazi na média di notas (GPA) na sidadi interu, y 80% di lugaris ta ser atribuidu utilizandu un kombinason di GPA y kódigu postal di alunu. Sr^a. Sullivan purgunta y é obtevi konfirmason ma un numeru aliatóriu ta ser atribuidu apenas si tiver dós o más alunu ku izatamenti u mesmu GPA. É purgunta tanbe modi ki grupu di trabadju konsigi ditermina numeru minimu di lugaris atribuidu a alunu nun diterminadu kódigu postal. Sr^a. Hogan splika ma es virifika dadus di rendimentu y pursentajen di kriansas na idadi skular di Ajensia di Planiamentu y Dizenvolvimentu di Boston ku bazi na sensu di inkéritu di Kumunidadi Amerikanu.

Sr^a. Sullivan purgunta modi ki BPS ditermina kantu lugar pa kódigu postal, a partir di mumentu ki sabedu pursentajen di kriansas na idadi skular pa kódigu postal. Sr^a. Hogan rispondi ma BPS ta konduzi un prusesu tudu anu pa pa ditermina kantu vaga ta sta dispunivel na tudu skolas di distritu através di prujesons. Ku bazi na keli, pesual ta ditermina kantu konviti ta bai ser inviadu. Sr^a. Sullivan purgunta sobri alunu di rizerva ki ka tinha sidu dizignadu pa un skola di izami na rizerva di 20%. Sr^a. Roberts splika ma kódigus postal é klasifikadu ku minor rendimentu midianu pa maior rendimentu midianu y ma distribuison ta ser di 10% vdi lugaris pa rodada. Alunu ku kódigus postal más baxu ta ser kulokadu en primeru lugar ti lugaris dispunivel na kel rodada pa orden di desida di GPA más altu. Si primeru skodja di un alunu ka stiver dispunivel, alunu ta ser dizignadu pa si sigundu o terseru skodja. É splika dispuzison spesial pa alunu sen abrigu y pa

kes ki sta na Dipartamentu di Kriansas y Familias (DCF) y ma es ritira entrada nau tradisiunal y adiamentu di aseitason. É tirmina ta splika rikumendasons adisiunal di Kumité Skular.

Sr^a. Sullivan abri pa purguntas. Sr. Acevedo kria sabeba kuandu ki sta bai kumesaba antigu pulitika. Sr^a. Roberts splika ma es tinha ki anunsiaba a familias ti Agosto kal ki ta bai ser prusesu pa prósimu anu. Sr. Contompasis akrisenta ma kalendáriu stabelesidu pa un novu prusesu di admisons seria tenta konpleta-l ti Junhu, pa Distritu podi pripara. Alen disu, Sr^a. Skerritt fla ma pulitika di kurenti anu sa ta uza notas pré-Covid y ma si es disidiba uza u mesmu mudelu, notas ka ta serba pré-Covid.

Sr^a. Hogan, Sr. Cregor, y Sr^a. Nagasawa aprizenta *Uzu di kritérius Sosio-ikunómiku/di Nivel na Otus Admisons di Distritu*. Es aprizenta tré distritu diferenti y es splika sis prusesu di admison. Es aprizenta primeru Admisons Siletivu di Skola Sikundáriu di Chicago. Sr. Cregor lenbra menbrus ma Richard D. Kahlenberg y Michelle P. Burris di The Century Foundation, ki trabadja na konsepson di mudelu di Chicago ki staba ta ser aprizentadu, ta bai aprizentaba na riunion di 30 di Marsu, pes podia sploraba kes mudelu ku más ditalhi.

Es kontinua ta aprizenta prusesu di Admisons Siletivu di Skola Sikundáriu di San Francisco antis di Covid, un ves ki es tinha votadu pa utiliza lutaria komu kritériu di admison. Alguns menbrus purgunta si lutaria era un turnu di un anu o permanenti, y tanbe sobri prusesu ki es rializa pa ditermina prusesu di admison a lutaria.

Ultimu distritu ki es aprizenta foi Admisons Siletivu di Skola Sikundáriu di Detroit. Sr^a. Sullivan rifleti ma Detroit da pontus a sis alunu di skola publika y é fla ma keli era un kumentáriu ki es tinha obidu ta papiadu na kumentáriu publiku sobri un pusibilidadadi na Boston y BPS. É kria txomaba atenson di Forsa Tarefa pa kel faktu.

Sr^a. Sullivan kontinua ta aprizenta konsiderasons legal y di risponsabilidadadi.

Pontus prinsipal

1. Boston podi rivé prupostas di admison pa inpaktu na diversidadadi rasial.
2. Boston devi começa pa avalia abordagens "neutras na termos di raça" e "generalizados e conscientis di raça" que ka trata di forma diferenti estudantis individuais ku base na raça.
3. Se nenhum des políticas alcança diversidadadi, Boston podi considera raça como um fator individual, des que política seja estritamente adaptado.

É rizumi tanbe ma Boston tinha sidu prusesadu dós ves pa si uzu di rasa na admisons na skolas di izami; *McLaughlin* (1996) y *Wessman* (1998).

Eskolas têm um interesse constitucional, imperioso na alcança diversidadadi racial e evita isolamento racial. MAS:

Se raça for utilizado como fator na decison individuais di admison di estudantis, mesmo em casos di ason afirmativa, tribunais ta aplica mais alto nível de escrutínio a abrigo di Cláusula di Igualdadi di Proteson, "escrutínio rigoroso", pa determina se política di admison é "estritamente adaptado" pa alcança interese di eskolas na diversidadadi. Nu ta sabi si un pulitika é stritamente adaptadu si:

1. Distrito considera alternativas neutros em termos di raça (e ka encontra nenhum que funciona pa alcança diversidadi)
2. Política prevê um "revison flexível e individualizado di studentis", que significa que raça ka é único fator di admison
3. Política minimiza qualquer encargo indevido pa otros studentis
4. Política é limitado na tempo e sujeito a revison periódica

Un izenplu di un pulitika di admisons stritamente adaptadu foi na Universidadi di Texas na Austin. Sr^a. Sullivan splika modi ki skolas podi valuriza diversidadi rasial sen risebi un skrutiniu rigurozu.

Pontus prinsipal é:

1. Boston podi rivé prupostas di admison pa inpaktu na diversidadi rasial.
2. Boston devi começa pa avalia abordagens "neutras na termos di raça" e "generalizados e conscientis di raça" que ka trata di forma diferenti studentis individuais ku base na raça.
3. Se nenhum des políticas alcança diversidadi, Boston podi considera raça como um fator individual, des que política seja estritamente adaptado.

Sr^a. Sullivan fla ma ko-prizidentis staba ta buska apoiu juridiku y é mensiona ma Adivogadu Michael Keating di Foley Hoag LLP staba ta observa riunion.

Sr. Contompaisis y Sr^a. Sullivan diskuti inpurtansia di konkurdansia di Juis Kennedy *na Pais Involvidu* (2007). Sr^a. Sullivan fla ma opinion di Juis Kennedy era un opinion di konkurdansia ki é konsideradu opinion ki ta furnesi maior orientason nes spasu nu ki ta rifiri a lei sobri es keston en partikular. É fla ma é inpurtanti oras ki Forsa Tarefa ta sta ta splora keston ki ta podi ten inpaktu na rasa ki menbrus sta atentus y konsientis di obstákulus.

Sr^a. Lum purgunta si prusesu dja tinha o nau kumesadu pa pulitika tenpuráriu y si menbrus ta serba kapas di odja rizultadus di pulitika y konpara-s ku mudelajen ki grupu di trabadju tinha trabadjadu pa formula rikumendasons pulitiku. Sr^a. Sullivan rispondi ma ka sta bai tinha atribuison di lugaris ti 15 di Abril, dividu a prusesus judisial en kursu.

KUMENTÁRIU DI PUBLIKU EN JERAL

- Virginia Berman, rizidenti na Roslindale, mai di BLS, Ko-Prizidenti, Familias pa Ikuidadi y Diversidadi, tistimunha en apoiu a mudansas na admisons na skolas di izami.
- Marie Mercurio, rizidenti na Jamaica Plain, mai BPS, tistimunha a favor di manutenson di izami.
- Darragh Murphy, rizidenti na Dorchester, tistimunha kontra kritérius di kódigu postal pa admison.
- Nora McManus Vincent, rizidenti na West Roxbury, mai di BPS, tistimunha en apoiu a mudansas na admisons na skolas di izami.
- Kristin Johnson, rizidenti na Jamaica Plain, mai di BPS, menbru di Boston Coalition for Education Equity, tistimunha en apoiu a reforma di prusesu di admison a skolas di izami.
- Fred Pucillo, rizidenti na East Boston, pai di BLS, tistimunha en apoiu a reforma di admisons na skolas di izamis.

- Olivia Paquette, rizidenti na Cambridge, studanti di idukason di BPS y es-aluna di BLS, tistimunha en apoiu a kriason di un prusesu permanenti y más ikuitativu di admisons.
- Katharin Kilbourn, rizidenti na Jamaica Plain, mai di BLS, tistimunha en apoiu a un mudansa prmanenti na prusesu di admisons.
- Leslee Kiley, rizidenti na Jamaica Plain, Mai di es-aluna di BLS, tistimunha en apoiu a intruduson di alterasons permanenti na prusesu di admisons.
- Lauren Peter, rizidenti na Roslindale, mai di Sumner, tistimunha en apoiu di alterasons a prusesu di admison na skolas di izami.
- Ann Malone, rizidenti na Jamaica Plain, tistimunha en apoiu di mudansas permanenti na prusesu di admisons.

KUMENTÁRIUS FINAL

Sr^a. Sullivan pidi menbrus pa fazi kumentárius final. Sr^a. Tung agradisi oradoris ki presta tistimunhu publiku y é sulisita novamenti ki pesoas fizesi rikumendasons di pulitikas spisifiku.

Sr. Contompasis lenbra publiku ma na próxima semana Forsa Tarefa ta bai ten oradoris di The Century Foundation y é inkuraja pesoas a partisipa na riunion.

ADIAMENTU

Pa volta di 19:05, Kumité vota pa unanimidadi, pa xamada numinal, adiamentu di riunion.

Atestadu:



Lena Parvex
Asistenti Administrativu